

同安縣志

卷首 卷四

纂修姓氏
凡例
疆域
沿革
建置
水利
山川
星野
都圖

方

戊午秋原奉

大府檄權理同篆遠省兵燹

以汝之郊多壘編野梓符載道

流亡不遑安集簿書外無暇他

及會

邯鄲書以統師茲此考察山
川形勢洵乃邑志編尋無完本
未有應也詠之數月幸免叢
脞暇乃搜集原板缺壞已多於
是自捐俸資錢者補之損者益
之亟付剞劂藉成全璧余維志

者記也其名始於漢書十志縣
之有志所以紀一邑之掌故關係
甚重同安自入民國全鷺兩島
割隸他邑原有疆域太稍狹矣
以之君子必有踵舊志而制作
者則此日之抱殘守缺或即若他

年考獻徵文之一功要本邦人
士所樂於贊同也此歲事用書
數語以誌鴻雪

民國八年己未孟春

知縣事彭城高梅仙撰



叙

同安縣志合廈馬金彙為一
編其地大其物博洵鉅觀也
惟是編成於嘉慶年間延今
八十餘載未及重修而原板
燬於兵燹求其殘編斷簡藏

在民間者不過數帙而已前
之官斯土者亦嘗創議重刊
而卒不果

承烈

蒞任以來日

與諸君子籌款興工廼甫覓
一善本付之剞劂適奉檄調
署邵武辛賴黃蔚齋廣文商

同諸紳共藏其事從茲博雅
之儒得以家置一編互証其
所聞所見即來宰是邦者亦
可藉以考古証今採風問俗
則是編之重刻未始非資治
之一助也若夫踵而增之續

而輯之網羅散佚採掇遺聞
則非一朝一夕之功姑以俟
夫後之繼起者

光緒十有一年小春月穀旦

賜同進士出身知同安縣事朱承烈撰

叙

大凡邑必有志邑之志即邑之
史也所以紀民俗之汙隆政治
人物之盛衰及疆域建置等類
悉載於此志之所關非淺鮮矣
同安縣志續脩於嘉慶三年迄
今八十餘載其板燬於兵燹即

原本藏在紳士家者亦寥寥無
幾多殘缺破壞恐遲之又久即
欲求一斷簡殘編以徵文考獻
而不可得

芝貴

於數年前曾與

前邑侯張君仲勲任君東初捐
貲籌款商仝諸紳議重刻焉而
竟中止是歲十月冬幸邑侯朱

偉軒毅然籌款會商廣文黃蔚
齋及諸紳亟召手民重鐫焉不
數月克歲厥事因思泚斯土者
若不亟為重刊恐一遭泯滅將
何以考汙隆鑒得失而察盛衰
者乎夫同為朱子過化之區素
稱海濱鄒魯此數十年中其間

忠孝節義與宦遊政蹟卓卓不
朽者想難枚舉更願諸君子廣
為蒐羅詳為採訪果能協力而
續修焉尤余之所厚望也夫是
為序

光緒十一年乙酉嘉平月穀旦

欽賜花翎副將銜特授福建陸提同安營叅將鍾芝貴拜撰

序

同安縣志於乾隆三十二年吳廣南邑侯遠
聘望村陶君總纂續脩陶漸中名宿也與袁
簡齋先生訂文字交聲望課一時故所脩之
志古藻紛披條例精密當日梓鈔遐邇先覩
為快旋經楊蘅圃方伯略加校核更臻粹美

嘉慶二年邑人曹氏捐銀重修尚見義舉特
將各門類序引概行更易辭義猶不如前耳

前任朱偉軒明府馳譽南宮出宰斯土因邑

志書板已燬亟議脩鑄茲將前後續脩兩志

斟酌損益以復乾隆間遺矩乃籌款有備而

移調師武行李匆匆未加釐訂以乾隆至嘉

慶初多獲數十年紀聞姑就嘉慶時志囑黃

樹齋司鐸及諸紳董暫付剞劂以俟後來

國均

於去年冬月承乏於茲簿書鞅掌微文考獻

未遑也既而詢悉志書刊後而刷印需費爰

再設籌歲事並略抒管見附於序末計自嘉

慶迄今又經九十餘載矣後君子續脩有日

取前後兩志而繫較之刪繁補缺當必有繫
繫大筆而增一邑之光者是為序

光緒十二年端月穀旦

誥授奉政大夫同知陞銜補授臺北府宜蘭縣
知縣知同安縣事沅陵章國均譔